

永興縣志卷三十九

知永興縣事呂鳳藻主修

人物志

山以玉輝川以珠媚人名以物謂珠玉非寶而善惟寶也永舊合於郴魁奇忠信才德之生韓子稱之自宋以來顯達者之勲業文章及匹夫之以忠烈孝義傳者並採焉奕世而下華袞猶榮生斯土者可以勸矣

名臣

宋 以前無考

永興縣志

卷之三十九

人物

一

陳純夫字德全左朝議大夫邁之子以父澤補太廟齋郎元豐元年取監舉第一四年領漕薦五年以易經魁南省歷諸郡邑有聲仕東閩蝗大作鄰邑捕而殺之害愈甚純夫以文禱神蝗遂息歲旱禱輒得雨州人形於咏歌歷宦四十二年恪守名節官至大中大夫封文安縣開國男致仕歸湖南書院以訓後進學者稱湖南夫子建專祠祀鄉賢

明

曹連字廷器以詩經魁省試初授四川嘉定

州學正陞國子監學正擢河南按察司提學僉事訓誨有方考校不苟少保于忠肅公薦其賢遷陝西按察副使與總寧夏軍儲都御史耿清惠公相知最深嘗命修志書及清戎籍錄重辟皆有成績尋擢大理左少卿參贊延綏軍務與總戎等協謀共濟邊境用清天順元年謝政還家生平豁達大度有識量虛懷待物丰采怡然政暇以文爲娛尤善大書沐雍碑額多其手筆所著有裕齋文集少師茶陵李文正公嘗序之以子侄貴贈中議大夫資治尹祀鄉賢

永興縣志

卷之三十九

人物

二

宦業

明

鄧秀卿字蘭孫洪武三年以明經授本縣教諭時干戈甫定學無完宇乃捐貲倡眾修葺廟廡煥然一新又以講堂淺狹拓己地以廣之教人先道德而後文藝多所造就祀鄉賢

張遜字士學永樂中選翰林庶吉士除監察御史激揚有聲未竟其用而卒

李鑑字啟明任廣州府學訓導陞四川灌縣教諭尋改儀隴所至以身律物士類多賴其陶

鎔歷宦十八年以老致仕既歸深居簡出吟咏自娛著松石齋集

馬敬字仁禮性至孝爲邑庠生時有遠族隸安仁者以戎籍贖入父添榮竟坐是爲清戎御史摺撫以卒敬跣走京師三上封事莫能直遂力學圖榮冀雪父恥凡七舉有司終不偶卒業南廡授雲南臨安府判勳於撫綏和其土俗而張弛之苗民稱便九載考績會教化長官司印爲通事人所竊以兵自衛鎮巡重臣屢索之不能得乃以委敬敬單騎入其寨諭以禍福竊者

永興縣志

卷之三十九

人物

三

感泣遂出印付敬歸次中道遇蠱卒以子文貴贈戶部員外郎

馮璽字廷玉以貢授廣西懷集縣訓導再改大名府訓導正己率物及門者多名第碩儒九載謝事歸壽七十四終以子允中貴贈監察御史李文正公銘其墓

李秀實字克成任雲南泰和縣縣素稱難治實推誠布公不事鈎棘政無大小皆就理六載考績有部使索賂弗獲摺撫以他事實不復置辯棄官歸茶陵李文正公銘其墓

曹 佺字存之少卿連之子筮仕南京大理寺
評事轉司副司正嘗嘆曰獄糾雲司命懸丹筆
非他官比也恆以矜慎處之咨詢鈎訪務得其
真其大者如辨知縣揚某之非酷哀吏人宋鑑
之非賊一時嘉其平反尋陞雲南按察司僉事
振揚風紀糾正僚屬爲時論所推後以疾致政
生平忠誠自許上疏多規切時政年七十五終
司業汪俊銘其墓所著有一軒集

曾 轆字文載官刑部主事轉員外郎平陽府
有訟田久不決薊州衛有誣殺人罪者繫獄十

年奏下部檄轆往訊皆立白甚爲大司寇杜公
所重尋擢浙江紹興知府政從寬簡眾咸稱便
先時民病於需賦轆計畝爲丁下六邑槩之馬
遞舊爲包攬者所利轆按遠近徵其價弊遂革
值歲旱脫冠跣禱雨輒應由是能聲隱起然不
能媿阿取容遂被謗罷官旣歸優游泉石未嘗
出一不平語年七十四終侍郎馬廷用銘其墓
馮允中字執之初任滑縣令擢陝西道御史遇
事剛果糾彈不避巡兩淮鹽秉公持法一洗宿
蠹按蘇松常鎮等府遭時大荒裁免均徭二千

餘役並奏免折銀米三十萬石刷卷南畿發獄
摘奸用遭讒毀時賊瑾用事文致其罪除名歸
遂築室野坪吟誦自適瑾敗諸縉紳以次起用
而侍御已就木矣友人曾全爲作墓銘李永敷
表其墓

曾 全字復初號碧潭授戶部主事適彗星爲
變抗疏陳四害言甚剴切至侵權貴中以他事
繫錦衣獄幾一載竟被放朝論惜之居家二十
餘年手不釋卷爲文必力追古作尤長於詩本
州匡守敬重之嘗請修便志志成匡守以憂去

永興縣志

卷之三十九

人物 宦業 五

惜未梓行逸其稿年五十六終友人李永敷銘
其墓所著有尋樂稿祀鄉賢

馬 文字質夫初任戶部主事監江西倉儲往
豪滑多浸漁京儲日耗文至秉公執法完逋租
七十餘萬著廉能聲後以安慶知府致仕

曾 介字執初官四川嘉定州知州嘉定素號
繁劇介目覽耳聽口酬手答悉皆踴舉其大者
州民李相以同姓名抵劫殺罪臬司按其獄已
成介獨辨其非辜有舟人載一商因殺而奪其
貨棄船以遁眾漁者拾其遺遂抵罪介疑之設

法鈎距竟得其真前守魏翰嘗築龍江堰隄水
灌田尋壞於奔湍介改築上流且穿石爲根免
崩齧患人名爲魏曾堰年四十九終少師揚廷
和銘其墓

曾、念字聖初初知大城縣邑邇京師多豪勢
家有張氏兄弟者尤甚號四虎念繩以法所部
帖然時學政久隳念首先振作用是治聲隱起
後以丁外艱補浙江瑞安專意撫綏不輕加笞
罰至於賑凶荒時瀦洩戢健訟善政尤多尋丁
內艱再補廣信玉山其張弛因革一如瑞安銓
永興縣志

卷之三十九

人物 宦業 六

部廉其才徵補戶曹河南司主事識者以大用
期之末期歲卒於官年五十二編修張壁銘其
墓

李永蕃字貽錫任當塗知縣時姑溪大水民居
蕩析流寇縱橫曲爲綜理民賴以安以勞瘁卒
於官百姓哀之祀名宦邑祀鄉賢

鄧尙義字以正弱冠舉於鄉聯登進士初任延
平司李旋改廣信賢聲遠著行取歷吏部四司
銓法一清擢太僕寺少卿年踰三十以病乞養
歸里二十載著述自娛博綜典籍手不釋卷凡

子史百家俱親加評次所著有東澤集行世

李 旦字溫泉以鄉薦授溧水教諭置學田養士陞績溪令多風裁士民尸祝之祀名宦歷官戶部郎中孝友嫺睦惠於梓里鄉人德之祀鄉賢

李 易字仲占歷官太僕寺卿性孝友少貧以膳祿備甘旨有無與諸弟共初官戶部主事出納明允值大同兵變建控運勲宦跡所至率多異政比還杜門課子厚宗族敦故舊置義田其懿行多可則效祀鄉賢

永興縣志

卷之三十九

人物 宦業 七

李 禛號燕巖與從兄易同登進士居恆正誼明道性尤剛毅初任江南道御史直節自持敷陳剴切抗旨被逮旋赦復職歷官至參議而卒

國朝

廖應召字幼爽號紫巖幼聰穎事父以孝聞事母及庶母竭力承歡撫幼弟盡友愛鄉鄰中橫逆不與校順治甲午乙未聯捷癸卯協李令續修縣志是歲銓浙江湖州司李臨行長跼請教於師黃詢詢囑以自愛自重復以愛民重民爲自愛重解召佩服師教治湖大有聲尋奉裁缺

改海門知縣乞終養歸復補山東臨朐縣擢節
愛養士民謳頌解組歸執弟子禮謁師曰召奉
師訓三厯任遵行不敢替師歿服心喪三年置
田以祀

王 政字珏玉事親孝養友愛二兄分多潤寡
屏跡城市教授生徒笑言不苟尤好杜集任會
同訓導三載不驚名利惟以講學課士爲務士
類德之解組時祖餞攀轅驪歌曼唱焉本州志補
新增

曹流湛字露園歲貢生器度渾厚經術湛深授

永興縣志

卷之三十九

人物

宦業

八

徒五十年成名者以百計撰修家牒創立賓興
邑前志多出其手年七十六任湘陰訓導日以
正諛明道課士八旬時內閣中書黃世銘壽以
序有學深養遂德盛壽光之語未幾解篆湘士
遠餞如失慈父母歸後嘉惠宗族戚友無算時
或手披典籍吟咏不輟壽八十七無病而終
曹孔淵號珠圃幼穎異讀書目數行下文如萬
斛泉源不擇地湧出秋闈屢薦不售以廩生應
例捐教官厯署長沙永順芷江醴陵訓導兼署
祁陽教諭尋實授長沙衡山訓導化雨春風隨

地而布官長沙時委兼嶽麓監院克任其職上
憲咸器重之呼老師而不名既而保陞粵西檇
州府經歷署藤縣容縣蒼梧縣知縣除奸安民
有能吏風後以老致仕歸著有珠圍存草板藏
於家

鄧逢源號星海己酉拔貢性敏嗜學穎悟非常
爲文玉粹金和工詩善書試必優等秋闈累薦
不遇同治初年在粵防勦出力屢次保舉通判
加五品銜畱廣東補用丁卯調簾壬申代理樂
昌縣知縣甲戌補惠州碣石海防通判歷主掌

永興縣志

卷之三十九

人物

宦業

九

粵東海洋各書院中丞郭筠仙李星衢觀察聶
亦峰皆命其子師事之

曹明爵字顯達號羅山由省祭陞任福建福寧
州勤恤民隱德政攸彰上官曾于拱最器重之
言論間有六君灑落之衰解篆日士民卧轍攀
轅餞以楹語其子孫刊掛於祠壬子秋爲髮逆
燬辛巳茶陵榜眼曹詒孫謁其祠里書並跋

補

理學

明

李永敷字貽教號鶴山少稱奇童十九中鄉試
廷試二甲一名任兵部郎中政多碩畫以忤逆
瑾歸置義田課子弟與崆峒陽明結社有鶴山
集石屏文稿行世又嘗手創邑志

國朝

李樸大字爾雅性端嚴跬步不苟潛心理學博
極羣書安貧不治生產康熙戊辰捷南宮以母
老不仕居恆訓子弟率以誠正爲主鄉里薰其

永興縣志

卷之三十九

人物

理學

十

德而善良者甚眾著有四書講義及詩古文詞
貧不能梓晚年卜築於義莊學者稱義莊先生
新增

李彥邦字華湛歲貢潛心理學手不釋卷弱冠
游泮歲科試三冠其曹晚年友教四方成名者
以百計歲得館金周恤貧乏不營家產勤課子
姪長鸞霄庠生次鳳霄貢生姪夢蘭舉人

李夢蘭號晴皋嘉慶癸酉舉人幼負大志博覽
羣書入庠後尤耽心經史工制藝於性理學益
資講習大學中庸兩書逐章逐節著有文稿未

梓

忠烈

明

李之經字完初以歲貢選寶慶訓導陞應城教諭明末流寇逼境與縣令張紹登勵志守城或勸以師儒無守土責之經曰其如君父大倫何死生命也吾安忍棄令而逃未幾城破令死之經亦叱賊盡節子盛泰以捍父觸賊並遇害邑人與張令合祠祀之

李盛皋字明弼崇正庚午舉人任山東荏平令

永興縣志

卷之三十九

人物忠烈

十一

歲屢歉盜賊四起前後數十戰擒斬招撫各千百人癸未冬賊復悉眾攻城城中兵少食盡猶堅持累日方賈勇向城南督戰賊已梯城北入力不能支因望闕叩首曰荏平一塊土兵荒相繼臣以一文墨吏枕戈躍馬力捍三年今前功盡棄臣惟有一死以報君父耳復望西楚拜泣曰老母在堂兒其已矣賊索輜重唾曰清官無餘囊僅有頭可砍耳遂遇害時白晝陰霾凡三日荏人趨哭顏如生詳見袁伯璣忠烈傳

國朝

張一元邑庠生於康熙十七年隨征南將軍穆
占參謀軍務授以僉事道銜功加監軍副使道
給領劄付旋奉委招撫吳逆餘黨道經耒陽爲
賊眾攔執挾其投降一元持節不屈寸磔身死
舊志俱軼其事至雍正六年教諭蔡文洛始據
其孫張從健呈一元劄付詳請崇祀忠義祠後
以文洛參處中止嘉慶元年 恩廕其裔孫
騎都尉

新增

鄧明和咸豐六年隨統帶回征勦貴州有功

永興縣志

卷之三十九

人物 忠烈

十二

賞戴花翎賜忠勇金牌九年五月攻寶慶南門
陣亡入省忠義祠

歐陽安民以功保守備提督鮑復以精明強幹
委任副左營哨官九江陣亡

劉富貴咸豐四年從和軍門勦賊屢立戰功保
舉藍翎六品六年廬州三里崗陣亡

鄧廷壽咸豐八年隨統帶田勦石逆出力保奏
賞賜花翎把總以千總用旋加守備銜十一年
九月勦苗陣亡

雷得升咸豐五年經李副將奏保千總十年奉

江軍門奏保都閩府賞戴花翎同治元年正月
隨彭統領征剿湖北黃州府力戰身亡

鄧顯字咸豐十年在粵陣亡

徐宗元字大亨膂力絕倫同治三年奉憲札帶
勇南京會同剿賊臨陣身死時年二十九

李名鳴字輝安好義舉房族都中諸祭會皆其
力咸豐二年粵匪過境里人逃竄鳴不避賊至
誘降嗚罵曰羞與叛黨伍賊集眾持矛逐嗚嗚
取長槌格鬪賊敗者三嗚亦身中數創猶拒戰
無退志賊遂逸越三日傷發殞命時年八十四

永興縣志

卷之三十九

人物

忠烈 十二

李仲謀性剛方咸豐二年粵匪犯境執謀爲力
役不屈賊以刃脅謀厲聲叱之賊傷其右臂罵
如初遂遇害

郭邦屏庠生成豐二年粵寇竄擾屏病備及自
衛寇初以其病置不問繼見兵器疑爲團練招
之降屏罵曰豈秀才而與賊黨耶賊怒殺之
馬鴻庠生修職郎名瑗第六子性剛烈遇事敢
爲咸豐五年七月粵賊掠境被執脅降罵不絕
口遂遇害

劉繼詢咸豐五年七月奉縣主王以團勇探賊

桂郡洋布坪被執不屈割舌支解死時年四十四

黃清連咸豐五年九月奉縣主王督團勇禦賊被獲不屈遇害

黃邦錚業儒咸豐五年秋以練團失利死難時年四十二

劉繼仙咸豐五年秋以團勇偵探遇賊獨戰不支被害

李安聞襄辦團練咸豐五年八月向凸頭墟探賊被執賊仇之碎首而亡時年四十九

永興縣志

卷之三十九

人物

忠烈 十四

李孝墀世容同辦團練咸豐五年八月賊至被執不屈遇害

李榮近魁梧有膂力咸豐五年八月以團勇拒賊竹園下奮勇陷陣力殺三賊一賊從旁刺之洞脅而死時年五十二

李榮頰長身偉幹咸豐五年八月以團勇擊賊執旗衝鋒賊叢困之死於竹園下時年四十三
鄭道和素精鳥鎗咸豐五年八月以團勇扼賊竹園下連斃數賊賊嘯眾逼之持久力竭被害

時年三十六

劉顯森咸豐五年八月以團勇擊賊竹園下隨旗勇進陷陣身亡時年三十二

劉泰沂咸豐五年八月以團勇擊賊竹園下奮勇衝突蹴石撲地賊乘間殺之時年三十四

劉永湯咸豐五年八月以團勇禦賊杉下嶺奮斬數賊力竭被殺

李榮純榮汀榮倩九華梁應澍咸豐五年八月以團勇擊賊杉下嶺均力戰亡

劉紹淶紹海紹濬咸豐五年九月偕團勇擊賊身亡

梁觀開名應澍咸豐五年以團勇偵賊油市遇伏賊即挺鬪賊合圍之被殺時年三十

李承琰立譽咸豐五年團勇禦賊油市臨陣身亡

林芳鑑芳悅咸豐五年堵賊棲鳳渡陣亡

蕭懿朝咸豐五年秋罵賊不屈賊割其舌未已復剖其腹取心肝去觀者泣下

劉代芸咸豐九年二月率團勇扼長髮賊於大水壩勇潰獨戰難支被執驅之行罵曰速斫我

頭恥與賊同行也遂遇害時年五十二

史樑昌咸豐九年二月以團勇扼髮逆於大水壩陣亡

江山樹咸豐九年二月率姪承瓚承卹承祖姪孫先朔先騰先質先發戰賊仁和墟均陣亡

陳書形咸豐九年二月率弟書慶書悅姪尊响尊道尊逢尊遠姪孫孔球團勇堵賊仁和墟均陣亡

李應詡邑監生咸豐九年二月偕堂弟應謹應嵩擊賊被執同遇害

劉代純咸豐九年二月督團勇擊賊陣亡

永興縣志

卷之三十九

人物

忠烈 十六

王邦坤祚朗咸豐九年二月奉團局命鳴號聚勇賊驟至同遇害於甘棠冲

雷敦蘇咸豐九年二月髮賊入境蘇母劉氏年老病危勢莫能支守護之賊至被害母亦焚斃
廖月盛咸豐九年春粵匪至將入內室盛以理罵止賊迫之降不從遂遇害一犬守戶數日膚骸俱全里人奇之時年六十

張德沛字智周文庠生咸豐己未歲以詈罵被殺賊退家人殮其屍面猶如生

曹長顯號謨堂咸豐己未歲粵匪擾境執顯誘

之降弗許且肆詈罵賊怒榜掠無完膚已而疑其死棄僻地其子尋見昇至家而卒

何國昆字季友性剛正咸豐九年粵匪竄境執昆並同村數人欲逼入營昆獨大罵不屈賊撻之罵愈厲殺於村側時年五十三

廖澤春同治四年叛勇掠境脅春鄉導不屈賊怒殺之

周近仁同治四年抗賊不屈賊脅以刃叱罵愈烈賊殺之數日尸不變

龍濟時湘鄉人咸豐五年八月紅巾賊竄金陵

永興縣志

卷之三十九

人物

忠烈 十七

鄉與耒陽知縣督勇赴援戰於杉下嶺被害

濟時非邑人因赴援我邑被害故附刻之

鄺正明 從征苗匪陣亡記昭忠祠

孝友

明

黃 珙字德溫初任江西萬載知縣決獄如流
多善政擢刑部主事遷員外郎執法平允陞江
西按察僉事剔蠹爬奸風采懷然未幾念太安
人遠離遂上疏乞終養既歸問安視膳朝夕不
怠母疾露禱請以身代母卒殯殮悉遵禮制結
廬墓側哭聲時振林麓服闋仍詣京乞休年七
十五終門人李永敷銘其墓祀鄉賢

黃大年珙之子早失怙養母李氏甚孝比喪勺

永興縣志

卷之三十九

人物 孝友 一

水不入口哀毀骨立獨居三年悲號不絕

曾用中號智庵拔貢早失恃事父及繼母以孝
聞繼母生二弟躬親訓課俱入庠後選授長壽
令父母以道險不就養於署月寄俸養無缺爲
令一載德政最多旋亦告終養歸祀鄉賢

黃 潭邑庠生事母至孝母沒廬墓三年郡縣
以事上聞循例子旌表有德孝錄藏於家

馮 鎬家寅子家寅貧而嗜酒鎬既長爲牙檜
得銀二三分日供午膳畢餘悉奉父曰兒不能
陳杯醕以此易一醉可也父沒哀毀骨立家貧

無以營葬悲號不欲生鄉黨賻助成之邑令潘
匾旌其家

李盛泰之經子以救父殉難詳見忠烈篇之經
傳

國朝

李繼體字震隅生而穎異博通書史篤於孝友
天啟辛酉貢於廷應就銓選以母老不忍違定
省終身不仕撫其兄之遺孤教育婚配一如己
子所著有錦山堂集嘗有盜入其室繼體從容
與語曰衣物任取毋毀我書籍盜感愧而退

永興縣志

卷之三十九

人物孝友

二

楚光夔字一可號寧靜幼英敏有大志善詩賦
廣交遊慷慨慕義言無宿諾遇人急難每傾囊
以贈事父極孝謹兩兄蚤逝獨任服勤比老愈
篤父明璣享年九十有三孺慕常若幼穉懿德
卓行族黨咸矜式云

李名甌庠生七齡失恃哀毀極篤年十九父故
居喪守制罔或違禮奉繼母避亂巖洞多蛇作
文禱之蛇遂息又爲母覓藥夜歸遇虎泣以實
告虎從林間遁去人以爲孝感雍正十二年

旌建坊崇祀

李俊型字來範性孝友處庭幃齊栗盡禮窺父
容有不怡卽長跼請罪事後母極敬順與諸昆
季相友愛或偶有弗協輒揮淚諭之必歸於正
乃止家門雍睦三黨羣稱爲長者

楚明璣以歲薦任常甯司訓生而至性純篤甫
五歲見父傷於犬卽知抱哭父母屢膺奇疾璣
覓醫禱神求以身代俱獲無恙璣初貧甚躬負
米百里外贍饗殮周卹諸弟姪竭盡心力以品
望屢舉大賓享年九十有三日擊五代雍正八
年旌建坊崇祀

永興縣志

卷之三十九

人物

孝友

三

曹正宣早歲失怙奉母李氏甚孝母受瘋疾左
右扶持者數年時吳逆掠境負母避難數遇賊
悲涕以實告賊釋之且動色相戒乾隆三年

旌建坊崇祀

謝尚儒甫七歲見父病危卽知禱神覓醫父繼
得瘋疾兩載扶持不怠其平居甘旨備極豐潔
每善體父母不言之意及父母繼逝五載不飲
酒食肉廬墓號泣聲聞閭里乾隆九年旌

建坊崇祀

李盛昆家淡薄父得火疾竭財以備參苓竟得

痊後父沒哀毀逾禮結廬守墓妻孥恐其過傷
或往探哀拒弗許迨三年喪畢戚鄰勸歸靡不
稱其篤孝乾隆十二年旌建坊崇祀

黃學憲邑庠生幼喪母年甫九齡師授葩經至
蓼莪章輒痛哭不已事父疾經年不怠後母李
氏初未愜意於憲憲多方承歡偶過故人家得
一梨亦懷歸獻母遇饑荒惟圖供高堂膳已甘
饑餓友愛異母弟嘗推所有以予之母與弟皆
感悟一堂諧和無閒言

萬國器而民也詩書未習而知盡子職前令侯

永興縣志

卷之三十九

人物 孝友 四

國正具詳請 旌詳語云菜傭生業正直存心
事親能養志無疾言遽色之時送死盡悲號著
真誠流露之處始終如一子道無慚案在乾隆
三年以侯令去任中止

何兆復邑庠生性篤摯事親能竭力養志父一
遷於康熙乙卯擄於賊兆復奔請自代賊感而
脫之居父母喪敬哀盡禮前後各廬墓三年乾
隆二年具詳請 旌以侯令去任中止

鄭宗轍字又濱邑庠生純樸無華髫齡父喪哀
毀異常獨居守墓事寡母備極誠懇禱獄求母

壽跣足拜數百里茹蔬自甘滋味不嘗者三年
及母喪年已逾耆苦塊不廢幾至滅性雖其愚
誠小諒而至性實過人雍正十二年 旌建坊
崇祀

李策名字昌裔邑庠生髫齡時值母病疫侍奉
湯藥晨夕不懈有成人所不能爲者後父病痢
數月坐卧牀下不避穢污嘗完族子李彩玉之
婚全母舅黃聘益之產雍正十二年 旌建坊
崇祀

李名樞字維斗邑庠生性至孝事二親朝夕不

永興縣志

卷之三十九

人物

孝女

五

離左右每遇親疾輒泣禱請以身代歲戊午避
兵沙坑一家罹疫力疾奉親不解衣帶者兩月
餘壬申隨父任靖州訓導歸郴應試場中忽感
動心痛出卽兼程奔任適值母思子病迫見樞
來親調藥餌母病尋痊迨父母沒者年居喪哀
毀循禮寢苦居廬不少寬假乾隆元年 旌建

坊崇祀

張人傑字景良邑庠生孝心敦篤事父母率先
意承志備極孝順壯遊太學肄業旋念親老棄
功名歸養及居父母喪哀毀骨立一切悉遵家

禮築室於場各守塋三載遇親忌辰必素服悲
號至老猶然乾隆三年旌建坊崇祀

曹維字四張邑貢生至性肫篤孩提時卽善
承親歡父律之過嚴偶以小過受杖愉色如常
家甚貧而於親每裕甘旨侍母病手拭污穢經
年不懈戊寅舉選拔以親老不忍遠離堅辭弗
就及父母沒後值忌辰痛哭若初喪每見手口
澤老猶號涕人稱爲終身孺慕乾隆三年

旌建坊崇祀

黃元導善體親心嘗修宗譜約族會勸善規過

永興縣志

卷之三十九

人物 孝友 六

數十年族中無訟牒

曾時球邑增生事親能承顏順志嘗鬻產以修
家乘文行兼粹黎令嘗爲作傳太史曠敏本題
其墓曰孝友端文先生

黃佐安廩生黃士驥子性至孝當吳逆之變父
母年已衰暮佐同妻李氏各背負而逃途遇賊
伏地哀懇賊憐而釋之父病瘍口吮其毒而愈
事繼母亦極誠懇喪祭悉準家禮不尙浮屠

曹常直字必公昌碩仲子性醇謹善事父母同
胞三人伯兄遠適西川弟復遊四方父母各垂

暮常直以一身獨任奉養又時時周恤伯季之家而堂上訖無喜色常直瞿然曰是傷吾兄弟在外也囑其婦劉氏善奉甘旨遂挺身走巴蜀尋兄歸復遍訪三湘七澤間獲攜其弟以來父母撫常直泣曰是真能體吾心者由是一堂怡怡二老皆登大耋鄉里爭傳頌之

曹昌智國學生字常五兒時卽善事父母年十一失恃哀毀如成人繼母性極嚴昌智先意承旨得其歡心執父喪葷酒不沾脣旣葬隻身守墓時山中多虎親友皆勸弗守昌智不聽每晨

起草廬外虎跡交錯於道後奉繼母命乃歸性嗜酒繼母慮其以酒得病戒勿飲遂終身滴酒不染待異母弟尤友愛親族中有爲父母心愛者靡不格外加意以繼母好善凡遇善事不惜傾囊以悅母意

張芳藻字眉英天性孝友方九歲母以歸甯挈之同往道遇火延燒黑煙迷散母遑遽不得出藻呼天風反火熄年十二父疾篤旦夕奉侍湯藥一日因市藥入城山僻處猝遇一虎藻驚泣曰吾命休矣其如父病何虎忽曳尾遁去居母

喪哀毀骨立既殯營廬墓側獨處三年事兄克
敦友愛析產時悉以膏腴讓之兄而自取其瘠
者

李應台名選長子事父母克盡子道父以他姓
事株連奉憲提訊辰州台以父年老路遙泣請
縣合願代父就訊弗許乃送父至辰比至而事
已白尚需數語質對台爲母病適歸既忽夢父
顏色慘戚左足無履寤而心悸曉白諸母卽兼
程赴辰則父以染疫身故含殮已十餘日矣哭
稟當道求啟棺當道憐其孝從之及啟棺左足

果無履台撫屍哀爲納履訖大號曰不孝子尙
有母在不能從父矣復昏仆於地觀者莫不泣
下旣扶柩歸廬於墓側晝侍母旨甘夜伴父靈
哀毀骨立終三年如一日

蕭玉英字良琇父早故惟老母在兩兄俱外貿
玉英獨任甘旨始終不懈母病危醫家悉云不
治玉英計無所出忽念古有嘗糞以味之甜苦
驗病之可治與否者因竊試之且以告醫醫曰
果爾病猶可治也復投以藥果愈長兄沒遺一
子祖母極愛憐之玉英曲體母意以宅前公田

三十石給姪

周榮序字爵英天性純孝童孩失恃哀毀如成人年十四父病思食廣橘序以湯藥事屬兄卽隻身奔粵東購橘冒雪歷冰不辭勞苦中途適有戚自粵東來問所往序以實告戚憐其孝遂以自奉廣橘與之卽夕返程昏暮過橋墮於水流十餘里猶抱橘不釋得救甦顧者皆爲色動袁梅士坊廂里民天性質樸幼失怙恃兄弟間極相友愛同爨四十餘年一錢尺帛不入私房及分產擇其肥美者歸兄又義讓田一百二十

永興縣志

卷之三十九

人物孝友

九

把後兄家業消乏債負難償梅士前後出銀穀填還其家僅比中人而生平所奉兄讓兄助兄者約費大半呂令嘗予以獎善銀牌並手書匾額以贈

曾 欽字文思庠生樸素無華甫十歲母卒哀慘動人事繼母極孝謹沒時欽年七十不廢苦塊葬祭皆無違禮

以下本州志增

曹正極字仲英孝心敦篤幼失怙母癯背疽醫方取茅屋蟲數條極以口嚼敷卽愈爲母禱關帝塑像水口庵捐田奉之母沒哀毀骨立廬墓

三載縣令王舉爲者賓贈居然先哲匾額

何士正邑貢生秉性敦樸幼失父事母曹氏以孝聞母沒廬墓三年生平好善樂施矜孤恤寡有族姪清本貧不能婚出貲爲之完配以方正訓子孫鄉里重之

李正心庠生幼能孝旣婚以孝型妻母患瘋口期手棘偕妻事之悉如意母沒不忍父孤寒與父同寢歷二十年如一日父九十一卒哀甚父復甦書重添甲子賜之

張秉中庠生舊以孝著父世德憂儒業未就中苦學圖慰親心親沒殯葬恪遵古制遇生辰忌必以文告遇事偶羈外家人代祭歸仍悲哭茹素斷酒數月年七十四卒

黃知德鄞高知縣鳳章裔孫父元伯以晚年得子愛甚篤德善承親志守身惟謹居喪戚甚三年內未嘗見齒終身痛念配劉氏性慈惠喜周恤佐德孝養最得翁歡

曾愈極字指南性孝友事母順之惟謹旣爲諸生母怒斯跪令跪於門外之通巷又往跪爲文醕雅尤工楷書學使習重之旣選拔旋以母病

辭人益高其品

曾衍宸監生性孝友兄早逝撫姪成立所置業產與姪均分且好施予修路設渡濟急憫孤成人美舉不惜傾囊邑令呂匾贈孝友可風

增

李森歲貢生性至孝事寡母不離左右授徒於家人以重金聘之不肯往晨昏必一至親所溫清之禮不廢嘗曰吾家寒苦非吾母其能讀書成立乎沒哀毀盡禮金陵鄉人皆稱之

馬立學字明倫生而好義有勇力胞弟立教因

永興縣志

卷之三十九

人物 孝友

十一

捕虎爲虎所傷同伴俱竄去崖上立數百人莫敢動立學侍父側命之往奮刃越崖而下直刺之虎幾斃因用力過猛刃從喉出右臂傷猶不自知遇有以失火致銃放者虎始遯負弟歸獲全精醫喜施予篤好讀書年七十三卒子張入庠孫步青癸酉選拔

何全哲字明遠性謙和事父母先意承志兄弟五人家三十餘口貧莫能給哲一爲調理同爨四十餘年無詬誶語父沒殯葬具獨任精岐黃術貧不取償善排解有私遺以金者輒力卻之

孫蘭入庠

鄭正燮監生庠生永浩第八子前母劉氏生子三生母李氏生子五父棄世時正燮年甫十一兄弟八人各爨燮獨與母居有所命奉之惟謹朝夕侍養未嘗少離長婚憫母老常伴之寢處終身不忘孺慕母嘗顧燮謂曰爾孝順如此子孫必昌母壽九十七卒眼見丁口者一百八十一鄉里羣推爲孝子

曹禮賢性孝友奉母李氏侍養盡禮少有過失母杖之歡然順受母老腸枯糞燥妻段氏以針頭出之無難色長兄禮榮九旬有四賢事如嚴父撫孤姪貴重僅一歲餘愛若己子長孫信章入泮

曾興頤字季長年十二失怙母曹氏受瘋疾卧牀二十餘載寢處奉事未嘗偶離配何氏中年卽世不再娶生子三長毓崑例監次嵩三嵩俱入泮常以忠孝訓飭之足不履城市者二十餘年享年七十二無疾而終

曹智連字華美禮榮子母早故連終喪痛父鰥

居伴寢處常取精食肉羹以進致父歡心未嘗
稍拂壽九十有四歿時哀毀盡禮歲時展墓啼
泣至老不衰叔禮賢年踰古稀連視如父所共
資產不存覲覲同堂兄弟八人愛如同胞鄉里
重之

新增

李來章號五豐歲貢生篤於孝友養親務得其
歡歿後過墓必拜兄窘售業代備價贖回以與
之者再族有貧欲鬻妻者恆捐館穀圓枕爲文
力追先正從之遊者多獲雋寒士尤被曲成善

永興縣志

卷之三十九

人物孝友

十三

行多端難悉數歿年七十八

陳大勲字績熙號東陝文庠生以子貴加封五
品英毅有爲嗜學嚮義敦內行父年九十四母
年九十孺慕不衰養葬悉厚仲兄庠生景範卽
世遺三子俱幼撫如己出皆課入庠析產以佳
者予姪以第五子歲貢生祖訓承弟庠生光照
祧辦邑中大公事有擔當捐立本都文會賓興
會建家塾延師課七子皆青衿並其孫曾孫入
學補廩恩歲貢生至三十人年七十一歿曾元
日蕃中多未易材

李鷺霄字參斗歲貢生品高學裕事親以孝著
母病思華蟲作羹鷺所得之邑修文廟文塔經
營六載勞怨不辭晚修南塔都派不足借百金
賠補他如興學會圓枕席見善必爲歿年七十
五

李安栲大學生事孀母黃歷四十三年衣服飲
食獨任不問諸兄母遘疾親奉湯藥不假手他
人母歿殯葬悉如禮撫兄子猶己子鄉里交以
孝友稱

鄧顯烈字武承父早逝母誓孀守外舅欲強奪

永興縣志

卷之三十九

人物

孝友

古

其志烈銜土淚血跪止之晨昏盡道終身孺慕
學憲倪額以孝友古稀 例贈文林郎

何學漢號丹心孝友成性家貧兄弟多外出獨
任親膳親老多病委曲奉養後家業頗裕招致
兄弟均分之子三次際昌入庠壬午科恩舉

李鍾楚字輝南事親先意承志誦讀外躬任力
作以節父母勞父諉家政事必稟命而行親歿
葬祭盡禮老年八十時步詣舅家執甥禮弟鍾
超中年棄世遺孤幼撫之成立教養備至今孫
支蕃衍多顯榮者

李有恆號美廷弱冠遊泮以父母多病棄儒就醫親病自制湯藥歿葬盡禮生平以醫術活人鄉里多德之年八十二無疾而終孫用中附貢生致中附生

王德鴻號立堂庠生少孤育於繼母曹家法嚴肅鴻承顏順志不少違游泮後以酒撻母怒跪請笞杖泣若孺子經理安陵書院毫不染指蕭顯博讀書明大義父貴相染瘋疾坐卧不安博調護扶持甚謹越兩秋弗懈長子正榮庠生卒年八十

永興縣志

卷之三十九

人物

孝友

五

史紹念性純孝母病篤嘗糞進藥十餘年不倦鄉鄰爭道之

曾紀鴻爲人有至性母老病舉動不能自如每負出眺曲意順承始終無間

何學山號具瞻庠生幼失怙母撫成立母多病每焚香告天願以身代母歿伴棺寢苦塊葬後廬墓三年子孫曾元多有聲庠序

曹士英號惺夫性至孝讀書志切顯揚母歿哀毀骨立廬墓讀禮博極羣書三年服闋以第一補弟子員學益不懈因用功過苦未幾遂捐館

士林悼之

歐大珍字瓊山性孝友父逝時庶母向氏無出
珍承歡膝下藹然孺慕母病腫脹潰穢難堪珍
晨夕侍側曲爲調護歿葬盡禮如所生人以爲
難

匡鎮南字蔭軒咸豐五年西匪過境父佞佛不
肯避南蠻之匪至擄其父出欲加刃南以身蔽
匪感其孝並釋之

曹興熙字緝甫家貧兄弟六歲歎難贍父欲出
其母熙時攜次弟賈於榔聞急奔回告父曰母

永興縣志

卷之三十九

人物

孝友 其

去不能返泣留之備極辛勤奉養弗衰鄉里咸
稱其孝

曹卜綱字立三增生父命承五叔祧所有產業
盡供本生父變用自以館金上奉高堂下周諸
弟不足又稱貸以益之父歿殯葬獨任四弟早
逝遺一孤撫之成立卒年四十九子二長曰藩
廩生

曹長柏號新甫庠生幼失恃父性嚴毅柏恆下
氣怡聲以承父歿事繼母極敬謹弟長藻幼穎
善病延師課讀並延醫療疾友愛備至奉縣委

辦團練墊金百餘卒年四十八子二列成均
曹長藻號鑑泉廩生幼失怙事母先意承志母
令與兒析箸泣沮之事必稟命而行咸豐己未
髮賊掠境兄弟被獲誓不獨生賊義而釋之兄
歿待姪如己子卒年四十五

王德湛字君燕少失怙孝事寡母母病醫告術
窮湛親嘗糞汁謂味苦有生氣強醫用藥母果
愈母歿哀毀骨立廬墓三年每遇忌誕辰淚猶
涔涔然

許揚樹字高懷號虛谷少失恃父續娶鄧氏事
甚謹兄弟析箸後鄧獨處一室每膳寢必預請
所欲鄧以是化之性友愛撫猶子若己出長兄
一子乏嗣復曲全宗祧其篤親類如此三男升

階入文彙

許輔湘字國魁號青峯邑貢生爲光祖也其父
揚勲字崇華以他人事株累繫獄廿餘年湘苦
侍養無由託身木工傭於城主人具酒肉常留
以貽父時叠稟懇縣未釋後有申憲巡邊道自
永而郴沿途遮稟七受笞責不避申憲謂其誠
孝據稟申詳獲釋鄉里至今稱孝子云

曹興琅字榮發至性孝友雖賈於郴無屬市氣
母膳獨任弟三各給田一畝以周其乏喜修造
橋路虹橋涼亭三縫獨建鄉人至今競頌焉子
子清文庠孫多業儒

陳啓濤字澄靜監生性純孝母染瘋疾卧牀兩
載日勤奉養夜伴寢處有污穢親爲澣濯始終
無間尤輕財樂善同治三年十里洞橋傾圮竭
力募修子子才入泮

鄭國珮字象環生具至性父教甚嚴奉命維謹
父歿哀毀骨立廬墓三年

永興縣志

卷之三十八

人物 孝友

十六

曹天清字澄明幼失怙孝事寡母兄弟析箸後
專任母膳母病垂危寢處不安背運以行里有
貧逋其租者不責償自備重金修砌近宅要路
不飲助於人子四長經庠生

譚嗣朋幼失怙事寡母以孝聞母病割股對藥
以奉母愈朋股不十日亦愈族修家乘捐貲出
力以爲人倡鄉評孝義

劉燦墀庠生少失恃及冠父亦卒居喪三年未
嘗見齒已而內父卒遺一孫婦又病不能育墀
謀出己貲爲置側室而病已革囑其妻成之果

得二子遠近咸以孝義稱長子紹傳入文庠
劉騰蛟庠生少失恃事繼母至孝弟二皆繼母
出家貧無力奉甘旨蛟令妻子忍飢備物奉母
母嘗稱之曰此子之愛我遠勝己出今子孫森
如竹立人以爲孝感所致

曹克宣幼失怙善事母母病久兩割股肉以進
母食之愈而宣亦忘苦負荷如常人以爲孝感
所致邑令鄒額曰孝思不匱

馬紹融性孝愛父立坊老病思肉時值歲旱鄉
禁屠宰融剗股肉以獻父歿寢苫枕塊哀毀骨

永興縣志

卷之三十九

人物 孝友

十九

立鄉黨交稱爲孝

譚孔訓性孝友家貧早失怙事母極誠供膳甘
旨無缺母歿守制悉如禮大祥後合諸昆季建
念劬堂以奉真容朝夕敬禮如生

鄧成湛自失恃後卽伴父寢至今年近五旬孺
慕如初

李富韶字舜習增生紹白父兄弟六半承劉祧
爨雖析而誼切同胞性善忍或以橫逆相加輒
大度包之課子成名卒年八十

彭邦藩字屏周天性肫篤事父母以孝聞兄窘

於家藩以一身奉二老自生事至葬祭不與兄較且常分潤諸姪成立子五長榮南次澤先後入泮

李定慧字能久性孝友獨奉親膳產業讓諸兄孫仙培廩生仙植庠生

李道謙字見山性孝友兄早逝遺孤數齡父憐之析爨識得肥產體父意與姪易券貿易程江有少婦見識年少多金欲與私識正色拒之生三子長入泮

李善閣字殿友兄弟凡八閣繼母出極友愛主

持家政百口同爨無間言閣疾革時預立八股分券格外割田四十畝以周諸兄匱乏者令子孫入房近六百人其共爨釜甑尙存義讓莊居猶世守勿替

李裁成號清溪歲貢生父先逝家貧以舌耕養母極孝愛咸豐五年八月髮賊分竄其境成母老病危急難遷避守家扶持賊至執成以偽官誘降不從賊剖其背厲罵不屈賊怒百端凌辱斷舌折臂而死時年六十四

許揚慈少失怙恃友愛幼弟爲之教養婚配後

析箸以膏腴產與弟子七課以義方高英文席
卒年七十七

李周聲少失怙恃依叔英偉食孝敬如父偉亦
恩待如子及長溫厚樸誠偉委以家政輒次第
就理偉病歿葬祭盡禮與其弟周智同爨而炊
至老無間言性善忍遇橫逆順受不與校於善
舉則以身先凡會務公貲經其手輒有起色尤
隆重師道遇文人有加禮課子以義方卒年六
十五子三長獻君中己卯南關舉人

廖含章號炳南品高學粹奉孀母以孝聞母病

永興縣志

卷之三十九

人物 孝友

三

瘋服事維謹歷久不怠素負文名以數奇不遇
賞志而歿士林惜之

曹遠錢年甫十三父故獨任喪祭事母疾躬侍
湯藥衣不解帶者累月母逝喪葬亦如之析箸
後屢出己財分潤仲叔長子文靈以縣首入泮
閩里以爲孝友所致

黃流中家寒素性孝友每年教學束修無幾分
給兄弟子姪不足典當衣物等件以賙恤之人
物見恩賞

文苑

明

曾嘉能字寵之性穎敏十歲能文宏治壬子以詩經領鄉薦甲寅卧疾遂不起屬續時悼老母不獲終養深自飲恨因號伊蒿子年僅三十一有增修少微通鑑稿藏於家以德行文章名世祀鄉賢

曾紹芳字世德號蘭若初任浙江烏程令尋擢戶部主事司餉永平遷東川參議分巡夔州所至皆有聲及解組歸林下二十餘年為梓里造

永興縣志

卷之三十九

人物文苑

一

福甚夥如議里役修黌宮勤勸誨置義冢邑人迄今德之天啟間嘗修訂邑志所著有燕遊草蜀道吟林下四箴茹荼集行世中丞易應昌銘其墓

黃舜忠字敬禹拔貢生博極羣書究心經史凡著作多衝口率筆皆落落入古

張澈正德癸酉舉人學問淵博筆有斷制嘗同李永敷創修縣志考正德志標題之下皆有澈名

國朝

曾獻瑞字國楨拔貢生居家不仕足跡不履公庭耄年猶力學著書孜孜不倦所著有百梅詩來鹿軒草迴文詩享年八十有二子孫眾多五世一堂

曹允冲字文度拔貢生爲文疏古有奇氣試北雍大司成熊伯龍賞其文常以高等冠羣英考授宗人府教習旋以病沒京邸士論惜之所著有不出山說傳世

易之震字長公歲貢生幼穎異淹貫經史爲文力追先正於詩詞歌賦皆能自出機杼卓然成

永興縣志

卷之三十九

人物文苑

二

一家言

曾贊聖字羽翼歲貢生性魯鈍不辭艱苦經其所讀輒終身不忘凡有所作傲岸不羣有句不驚人死不休之概

黃文郁字從周庠生聰穎沈靜窮經不放過一字每有所叩其應如響其時藝古作不事屬草規矩中饒具性靈自居家塾學者率往從之經其指授類多知名士

尹鑑字以人性穎敏經史過目不忘凡下筆汨汨如流數千言可立就所著四書文多膾炙

人口

楚光華字言可廩生聰穎嗜學行文融洽經史根極理窟萬言立就前桂東令張爲經嘗贈以經史名家之額所著有宛在軒詩文粵遊草生平訥言敏行謙卑好義家庭雍穆人無閒言里黨稱爲孝文先生

李聯芳字彝舟少有文名武令奇其才延入署中講讀所學益進

楚以道字立三增生爲文純雅有器局著有壁巖課藝梅軒吟等集

永興縣志

卷之三十九

人物文苑

三

鄧振廷字獻可少魯以百倍功磨開性靈入學卽冠軍食餼沉酣經史太史李然山適隨父任在郴兩相知爲文濃淡清奇授筆立就試多不起草以四十五歲終未獲大售

易成龍字九占秉性爽直事無不可對人言作文不屑俗徑自出機杼授生徒家貧而灑落自如

鄧林芷字蕩若恩貢生幼穎異屢爲提學教令所器重任永明教諭二年歸捐田資書院膏火好善樂施著醉蘇學古集東野試草諸刻行世

增

李宗德字世求雍正丙午舉人任攸縣教諭工詩古文詞駢體尤善性謙恭居城市室內讀書每聞邑侯經過必肅然起立

鄧植乾隆辛酉拔貢任永順教諭博學篤行著有東園文集兩漢輯句同懷弟松甲午副榜篤學至老不懈著有蒼園文集詩法輯要

李榮增字如川以歲貢中式乾隆己亥舉人行敦古處嗜學不倦其教人委曲詳盡崇樸黜華力追先正著有柏溪文集

永興縣志

卷之三九

人物 文苑

四

李如璧字捷南乾隆癸卯舉人好學深思胸羅經史其爲文典贍風華不蹈時蹊尤善楷書邑之學者多宗之

黃志隆號恪齋乾隆癸酉拔貢承其父立幹庭訓工制藝雜著書翰兼美任石門教諭卒於官

新增

李必三號輝湘歲貢生淬志勤學博極羣書下筆數千言立就入泮食餼均第一邑中碑銘傳記多出其手善啓迪後進經指授者多成名馬步青號亨衢又號青溪主人嘉慶癸酉選拔

庠生張子也幼失庭訓姿性卓越詩古文辭不
假師資能自成一家言善誘掖後進經其剛澗
卽有法度可觀寒素士尤樂啓迪門下士入泮
食餼者百餘人富著述前志多出其手家藏記
存文集記存詩集五經註釋節要皆未刊刊者
若課兒存草藝林新編皆膾炙人口性不干預
外事惟邑建文廟文塔葺差乘輜則以身先子
六長次四皆貢明經次任安仁訓導三人泮孫
曾數盈百現列膠庠者三登例貢例監者五
曹善推庠生姿稟聰穎文宗先正薄宮樣從遊

士無畛域並受陶成好積公貲今十六都五甲
塾會蓋其力也長子興龍文庠

楚時經歲貢生中懷靜謐言動不苟善中楷爲
文以明大家作骨澤色時墨授生徒極嚴肅凡
課藝反覆推陳務令得解而後已故門下士脫
穎而出者實繁有徒

鄧桂字秀南號龍山歲貢就職訓導性孝友躬
侍母疾目不交睫者數月兄瘋行止弗離爲文
去膚存液歲科試屢優等設教多所裁成著有
居家三要龍山詩文集各二卷四書講義中庸

絡貫等書藏於家因子逢源貴誥贈奉直大夫
唐臣號鄰哉邑廩生經史過目不忘落筆如風
發泉湧縱橫淵博見者莫測其涯涘同郡侍御
陳筠心深契之恆樂與論文卒年三十
鄧玉號輝堂太學生姿性高明襟懷澹靜好博
覽老猶手不釋卷涉筆不落恆蹊著有周易述
翼二十四卷述古樓古文詩集藏於家
鄧德煥字堯文隨父宦永順遇荒歲佐父出俸
周乏食致仕後父母臘高奉養盡孝課孤姪入
庠著有癡呆論壺蘆詩集二卷

永興縣志

卷之三十九

人物

文苑

六

陳王章號丹墀邑廩生天姿卓異工詩古文辭
能吐棄一切成一家言偶爾雜著皆膾炙人口
歲科試卷每爲文宗激賞秋闈屢薦終落年四
十餘齋志以沒學使張海門梓其試藝附論惋
惜之子時嘉廩生

李際昌號瀛洲恩貢生工詩善文援筆立就皆
有天然妙趣歲科試屢列優等襄辦邑中文廟
書院濂溪祠並都內諸善舉矢公矢慎邑侯多
深器重之子元榜以縣首入泮

許用光字公黼號遠峯廩生成童入泮以貧故

卽硯備教且兼學每課必自擬一藝易箒前十日猶拈一題自課勤啓迪後進寒暑不倦從遊采芹食餼攀桂者迭有其人篤孝友敦宗族睦鄉里爲至戚完全枕席立積穀議事會以備飢荒勸耕懲盜以息爭訟邑侯黃笛樓深嘉之子世驥監生世駿廩生世騏監生世駿附生其卒也門人許乃盛銘其墓

鄧鍾璧號崑圃恩貢生天資敏慧凡經史子集抉奧探微發爲文章精深樸茂秋闈四領薦兩堂備均以額滿見遺授徒垂四十年遊其門者

永興縣志

卷之三十九

人物

文苑

七

多能振拔時流享年七十一子孫蕃衍四世一堂

王化號春臺邑廩生性孝友家貧力學詩文字賦俱工教授生徒在在有聲秋闈屢薦不售五十一歲猶肄業嶽麓未幾抱病歸齋志以沒

李爲光號燕墀恩貢幼聰穎讀書輟有解悟長爲文爽快絕倫晚年教授生徒多所裁成卒年六十

李杜詩號藻壇增生性嗜學手不停披博通經史爲文出筆驚人屢膺鄉薦以數不偶士論之

曹長駮號行峯庠生讀書過目成誦爲文如風
馳雨驟頃刻數藝成童應試未午繳卷學使奇
其文遂獲雋後以無心進取卜居泉灘自號聽
泉居士卒年五十九

許乃盛號防山大學生達亨子少有大志潛心
經史弱冠入泮學使奇其文俾獨面覆益欽賞
科歲試常優等光緒乙亥科捷南闈以母老不
忍遠離掌教安陵書院課子以義方次三同年
入泮

處士

明

曾汝能宏洽戊午舉人潛心經史著作甚富雖瓜期屢及堅不受職以孝廉終

國朝

曾繩芳字名楚幼家貧工舉子業屢試冠軍由附監考鴻臚序班生平有才畧慷慨樂施創建文峯書院扶掖後學一時登科第者四人晚年歸林下詩酒自娛順治閒三舉鄉賓其子若孫咸有文名

永興縣志

卷之三十九

人物 處士

劉道純字敬德歲貢母李氏賢德見舊志志究心經義書籍一覽不忘屢為學使所識拔品端方邑令沈心齋敬禮之嘗曰劉生養高不出真士子也教人多所成就

增

曹流灝字沛程廩生性謙退寡言笑盛暑弗袒遇童稚咸有禮坐立有常處不倚邪事父及繼母無少違工制藝屢試優等教人委曲詳盡多所成就言不及非義終身不一涉訟庭年五十四卒邑人有道學先生之目男煥增生炯附生

增

新增

何 蘭字香圃廩生前志列孝友全哲之孫性聰敏爲文援筆立就父故家貧事繼母孝養弗衰生平急公好義以醫術濟人不取謝卒入金陵書院鄉賢祠眾紳贈詩云孝友傳家繩祖武言坊行表美髯翁

鄧曜南字升之監生少有至性母早孀多病因棄舉業習醫術奉養寡母不少離活人甚多不受謝承母遺意廣行陰騭咸豐初年倡興育嬰義倉施棺諸善舉以濟貧困著有爲人切近錄

永興縣志

卷之三十九

人物

處士

二

二卷家規要語二十則痘科活人四卷縣主陸典臣嶽麓山長周韓臣各贈序現年八十四五代一堂孫文淵由拔貢中順天舉人

歐 孝字南陔歲貢生爲人渾厚高明博覽羣書試輒高等終身不入公門教育後進裁成甚多邑志舊輯稿本惜未梓而先卒四鄉士皆歎息焉

鄧 光字照堂邑庠生爲人渾厚篤實遇事剖決公允人咸欽之承父志辦育嬰義倉惜字諸善舉二十年無稍間事父母孝敬不衰三列鼎

薦未售善誘掖後進經其教者多有聲庠序著有永思堂文集二卷

許立卓字希孔號心齋增生家不甚豐舌耕養親親歿獨購葬地費金無吝不與弟校壯年喪偶以原配曹氏賢難再得義不續絃生平不入公門不營私利惟脩金自贍性嗜學博覽羣經尤邃於書與性理四方從遊者多成就學者稱篤行先生子用光廩生卿黼監生孫支多顯達馬用霖字伯雨號蘇亭歲貢生性端嚴言動不苟善啓迪後學門下士多列膠庠晚以醫術濟

永興縣志

卷之三十九

人物

處士

三

人不受謝其廉潔退讓之風老而彌篤

李如玉號溫其志潔行芳居恆手不釋卷足跡不履城市性閎邑善舉輒命子壻輩爲之故聞其賢者爭欲識其人以爲溫其如玉真君子也卒年八十二

曹繼倉字舜堂監生爲人端方謹厚肆力經史詩古文詞皆工以母老無心進取生平不至公堂卒年七十

馬立燕號適齋工書翰善音樂不慕榮利惟善舉則慨慷樂輸費金無算子七長步躡入庠

李傳信字賢書號雲樓性淡靜毫不干外事讀書自樂屢試前茅不售臨終猶手不釋卷眼觀五代後嗣蕃昌老誌劫義衍類實不相符今移

義行

明以前無考

馬元字乾夫性孝友嘗隨父任臨安父私貽俸二十金元以歸母曰某焉敢先幼弟而得此時當歲貢與次及者善且憫其貧遂讓之後元亦以次列明經

劉宗琳正統時出穀一千一十石賑饑詔旌其

永興縣志

卷之三十九

人物 義行

門

李思素正統時出穀一千一十石賑饑詔旌其

門

正德志作李素

黃端拱正統時出粟賑饑授義官銜

本州志補入

劉潤字筠坡監生人傑增生潭拔貢生希晏

廩生高綵庠生乙燃遠祖也性慷慨尚義輕財明順治庚辰欽差巡撫湖廣都察院白來邑賑濟概然出米四百石以助聞於朝賜七品散官承事郎錫內屏以肅觀瞻

國朝

李 元順治初紅賊盤踞萬陽山與甯鄆縣諸
邑盡被蹂躪復窺十九二十兩都元捐貲集眾
禦之境賴以安當事屢旌獎之

曹文策字廷獻禮部儒士爲人慷慨有大節輕
財仗義臨事敢言每捐囊以息人爭不受償中
年參謀戎行習畧悉中機宜晚年居家當事者
多式廬咨訪饒有古千里誦義風

廖崇仁號紹坪直介謙和德著於鄉如構橋濟
眾施粥賑饑婚娶不給者必曲成焉倪令賢之
隆以賓禮錄其實行聞於上有云禔躬恂恂自

永興縣志

卷之三十九

人物 義行 二

守教子郁郁能文

曹祖齡字九如性豁達慷慨慕義少年卽淹貫
經史諳練機宜輕財好施排難解紛有魯仲連
風邑里薦紳先生有疑難無不就決四方賢豪
長者咸樂交焉卒之日競作詩文哀之凡數百
首子允謙任安福司巡檢

郭義意樸實端方慷慨慕義嘗募修城隍祠宇
靈龕橋及縣西山路十餘里又然夜燈以照行
人里人德之

曹教讓字清士長於齊家五世共爨各分以職

督課耕讀惟嚴尤精岐黃術平生救危拯患捐
貲施藥鄉里咸目爲善人

戴啟祺字德遠家不豐而好施麻城廟陽塘灣
蔡家洞各處橋路俱捐貲修砌有貧不能自立
擬鬻婦以謀兩活者急與金十兩全之嘗拾遺
金十餘兩卽坐憩道旁俟其人尋至還之凡有
所施絕無德色

曾愈紫州同字任材善事父母前令黎贈以匾
曰養志承家性慷慨有告急者輒傾囊以濟前
令張贈以匾曰義周鄉黨城西門外街尾坊嘗

被火延燒百餘家內多貧民愈紫立捐穀壹百
五十石賑之邑向無書院康令謀創舉愈紫首
捐銀一百二十兩

曹嘉潤字德昇同懷兄弟四人德昇最長父母
旣沒一切喪葬昇獨力主持旣而諸弟請析箸
嘉潤不得已從之其產業什物之肥磽多寡惟
諸弟所擇然後自取尤好善樂施凡全枕捨棺
施藥修渡諸善事皆不惜傾囊以應

劉邦光字廷賡生平敦行誼而好施予事孀母
李氏以孝稱母嘗謂光曰汝好善固無嫌於小

尤當務所急如小坑河橋險水深且往來者眾
汝宜加之意也光卽捐銀數十金倡建石橋邑
人德之

李顯彬輕財好善撫孤姪如己出凡飲食教誨
以至婚娶無不悉力爲之開義塾捐社穀鄰里
有賣妻鬻子者必力爲勸阻解囊以濟小坑石
灰博笏三處橋梁皆要津也顯彬悉爲改建石
橋

李國仕字際可敦孝友仲弟以遠商沒客邸仕
歸骨千里外季弟亦先逝各有遺孤俱恩撫如

永興縣志

卷之三十九

人物義行

四

己出經營家計毫不自私生平樂善好施遠近
稱其盛德

以下本州志增

黃知理字自遠慷慨好義不惹俗塵遷居善化
縣長子天迪膺乾隆己卯鄉薦

廖道生字倫才謹厚慕義家不大豐凡遇人困
乏暨橋路修理靡不竭力以助鄰邑有孤兒流
落憐而收之且爲之婚配給貲以歸

楚以郊字元宋庠生幼孤善事二母友愛少弟
慷慨慕義知無不爲隆師友通有無周急難雖
窘澀不惜

鄧方鎮恪謹好義同鄉有某僅存一綫爲之謀住宅婚娶以嗣其後遇歲荒常出己粟以濟人困乏

許嗣昌有叔祖文臣孤苦無依與父甚厚昌體父志爲之生養死葬又嘗捐修橋路全人骨肉子顯政亦繼父志邑令沈匾贈熙朝人瑞

郭義郊字文元事親甚得歡心弟早逝撫姪成立修橋路濟貧苦於族中業儒者備有饌紙筆每月於公祠兩次會課成就頗多凡置業遇有刁翻者甘以錢消釋從未興訟

曹克遠好義樂施遇貧苦無告者不惜傾囊濟之凡全人枕蓆修路成梁靡不竭力

何遠字飛萬庠生孝友樂施建學宮捐銀三百兩藩憲王旌以從儒首善匾額精岐黃術不受謝夫婦皆享壽耄耋三子皆入泮

郭萬忠監生性孝友嗜書史建塾延師以課族中子弟不數年一時入泮者五人至施橋路成人美鄉里至今稱頌邑令侯贈以超羣出類之

額

增

曹福珍字鑑玉爲人敦厚外祖母中年孀居子
二長亡次遠適丹州悲思不已珍裹糧奔尋期
年始歸母子復聚有姪幼孤貧甚珍撫字如子
長爲之婚境內有白雲庵施入田二十四石其
好義大率類此子源槐增生孫流灝廩生流湛
歲貢曾孫煥炯煥皆入泮

陳純仁字佑恕太學生幼失怙事其母以孝聞
好義樂施族有老始舉子者生數歲而孤貧不
能自存將出爲僧純仁慨然撫之長爲之婚生
二子予之產使歸嗣其本支喜讀書訓子子一

桂大勳貴祥入泮孫祖崑等多列膠庠享年九
十三邑令陳固菴嘗爲之序稱其積善餘慶云
云

戴國蔚字文千庠生謙謹好義常出所有以賑
人乏嘉慶三年穀價昂獨減價以糶鄉人德之
上其事於邑令袁錫以匾曰好義可風聯曰孝
友睦嫻任恤剛健篤實輝光男六長賢容布經
歷賢寬賢定賢宰並列膠庠

鄧方萬字策秀由庠生授登仕郎初欲出仕供
職以親老不果篤孝友恢先緒積而能散嘗捐

助書院膏火子三長據時州同三振輅入監孫
發桂發極發松均庠生發楷廩生發梅發柏例
監發模議敘曾孫良志例監

何 徵字民彝庠生生平敦厚潛心理學嘗募
修法輪寺捐田水口庵以及周濟貧乏全人枕
尤多又嘗捐置家義學撫孤筭教姪慊俱入泮
生子五三澍例監孫曾林立

李希謙字益山生平慇直輕財喜施遇寒無衣
者予棉襖貧無殮者施棺木嘗倡捐龍興渡會
購租三十石價款出己賞償之繼捐金積放置

租百餘石分給邑南門青雲及鄉大佈江張家
坪等渡凡修砌橋路有濟於人者皆視其力所
能爲不少吝子四長大祿例監邑侯張以忠厚
可風額之

許顯架字棟材生平耿直尤喜施嘗捐金修家
乘整砌橋路遇歲歉穀昂減價糶有貧佃某適
不能完欲鬻妻弗索償以全其枕配何氏生子
二長楊炳次楊煥孫曾林立四孫承岳入泮
曹智周字熙止品方正善醫有求者弗以昏夜
寒暑辭愈不受謝樂施予年荒嘗典田濟人弗

責償妻楚氏亦好善助施里黨有不軌者每畏
不使聞

曹信化字洪化性謙退喜行善里道有瓦石不
平處不論早晚親剗除之以利行人凡鄉鄰有
忿爭嘗出己貲以解不令彼知境內柳圩橋獨
倡修之約費金百建南臺寺捐田數畝子三文
章文光文安訓迪之餘尤以好善樂施爲諄諄
五世一堂壽八十二

王讓賢監生爲人勤慤蓋藏饒裕每遇歲饑仰
給者甚夥男文新王基孫忠幹忠濟俱庠生

永興縣志

卷之三十九

人物 義行

八

許顯忠字諦求業儒論議平允能令強悍之夫
聞而帖服善醫精製丸散有求必應活人甚多
不索謝儀持躬儉樸施予不倦尤尊禮師儒男
得英達道俱文庠孫元凱監生元輝元三俱廩
生元家元章元藻俱文庠曾孫許杰光緯光斗
許甲俱文庠光浩廩生壽七十四

許顯書字儒宗業儒溫文爾雅好施與橋梁道
路倡修不怠有債難償者輒還其券年饑嘗貸
粟貧乏爲粥以待遠近之餓夫子揚鵬庠生揚
塾揚唐俱以例榮登仕郎孫元庠庠生元金元

伯元楚元英曾孫光雅葆光光宇俱例監光翹
光梅光超光華俱庠生冠賢廩生壽七十六
許顯禮字又陶爲人剛正善解爭競鄰里中有
急難者不恤竭己貲拯之於其族人尤加矜憫
享年九十二孫元圭元珍瓏光元重俱庠生元
麟輔鳳俱例監曾孫光明職員光攀廩生瑩然
湖漢宏名占鼇俱庠生在職例監元孫丹桂庠
生

李善洪字國順爲人公正處事剛方不隨時委
蛇年八旬卒子桂權傳恕列成均孫金魁例授

永興縣志

卷之三十九

人物 義行

九

州同

段貴忠字廷士性寬厚喜施予遇鄰里窘迫者
恆出所有賑之時有某負伊債囑媳來償詢得
實不受急還其券且悔其早不及覺也子三長
興家職員亦克繼志

曹應銓字廷衡慷慨好義施予不倦壽八十一
子二長德仁字元善克承父志乾隆丙午丁未
嘉慶丁卯戊辰歲歉鄰里乏食仁出粟賑之且
爲粥以待遠方之餓者尊禮師儒勤課子姪次
佳湛例監四佳深暨姪佳祿俱入庠

羅有斐字贊猷例監嗜學好義境內橋路時倡修之遇貧乏喜周濟兼善醫術活人甚多不受謝終身謙厚未嘗一涉公庭壽七十二子可選以州首入泮

馬廣仁字德彰性誠樸克敦友愛慷慨好施享年六十六子名瑗例監克承父志延師課其子長雋廩生次立杰訓導四啓昆六嵩均庠生李大受照磨爲人端方正直隆師重道倡捐孔子會約租四十餘石爲族內寒儒資斧子四長如金例府知次玉入泮三天衡例監四業儒

永興縣志

卷之三十九

人物義行 士

新增

許立功字宏建生平樂行善事族有爭訟墊費寢之戚某貧不能娶代爲完婚並割己產十餘畝予之子爲光恩貢就教職孫拱辰提辰俱入庠

許輔榮字應康嘗客良田有處女私奔託故拒之道遇貧人失錢數千泣無還債榮如數與之子立卓增生孫用光廩生曾孫世駿廩生世駿文庠世驥世騏監生

劉天勳號端士生平好善樂施毫不苟取於亭

中拾遺銀五十兩追還其人病革時促子焚去舊券勿取宿債

李華漸字祥微貿易邑城拾有遺銀六十元坐以待失銀者至持原封還之分酬不受

曹興讓字國順喜周恤貧乏有再從弟孤特無依爲之婚配並給田產贍之

鄭國壩字繼唐急公好義督修邑學宮文塔邑令宋嘉之鄉有油籬壩清平會助錢捐田以襄盛舉善醫術自備藥料與人方便不計謝每年施費至數十金不等無吝色子桂林增生孫景

永興縣志

卷之三十九

人物 義行

十三

善庠生

劉道蘭字莖茂幼精岐黃術以濟世不受謝貧者贈藥貨後設藥肆凡無力家不取值姪夢松貧難卒讀予以貲竟成廩膳生其子之遊泮食餼者亦相繼起人以爲積德之報

曹盛科字芳樑性好義同治壬戌歲大饑初斗米錢三百後三倍之料價仍如初不給取自食以周乏食者又不給出錢貴糴賤糶以濟之人悉頌德次子際虞以廩貢試用訓導長際唐入泮附貢生

許冠賢恩貢生兩徵教諭皆以母老弗就爲母作祈壽亭於要衢以利行人族譜與邑賓興會皆賴曲成邑建文塔墊金百餘子三乃心附生江玉明字芝山見善必爲建金陵書院捐金倡先創修學宮考棚亦協力贊襄苗匪趙金龍之亂縣主戴困於輸將芝偕眾紳助餉募勇禦堵憲嘉之賜以額

陳以書字環溪樂行善事邑金陵鄉文明文閣兩書院多出其力倡立賓興膏火鄉人德之祀書院鄉賢

永興縣志

卷之三十九

人物

義行

三

曹福鴻號漸達庠生性剛直都甲公事多躬任其最著者柳永九都試館安陵書院公費多賴其力

郭達珪字發科監生性善忍尤慕義舉捐學租二十二担子八聰卽入泮人以爲慷慨之報李英偉字才燦慷慨好義撫孤姪毓蘋如己出爲之教養婚配病革時家產均分子姪無厚薄李燮南號香溪慷慨急公募修邑節孝祠張中丞祠倡興本境義倉並團練鄉勇禦堵有功嘗道嘉之享年七十二今子與孫皆有聲庠序

李世瓊號玉山文林郎喜施予見善必爲捐金無恡尤篤念號寒藁葬之苦常備棉衣棺木求無弗予存歿均戴其德子三惟澤時迄今猶踵行之孫載賡食餼

劉茂廷字昌松好義舉邑修文廟書院文昌奎星濂溪各殿閣皆以身倡張中丞祠兩次督修尤爲出力練勇禦寇有功曾文正公以樹勲桑梓額其堂卒年五十八子紹唐文庠

劉炳藜附貢生爲人剛直敦厚待孤姪如子課讀綦嚴後與子均成名歲歉煮粥賑飢全活無數生平多善事常曰毋以小善而不爲但行乎心之所安其襟懷高雅類如此

李永能字毓琬天性誠樸以勤儉致饒裕喜周鄉鄰貧乏有貸而不償者直還其券遇橫逆能忍受甚或以重金了之弗與校享年八十二子三恂謹亦類父

劉興章號曙初例貢生興立育嬰會開進致客耗金百餘爲族捐賑急諸會春發秋收毫不染指爲都立文會及修砌和尚坪墟市與其橋獨以身任眾服其公

鄭桂林庠生慷慨好施貧人借貸不取券追逋
好排解墊錢息事精外科自備膏丹活人甚多
不受謝猶匪趙金龍之亂練勇督勦邑令宋額
以功勳捍衛督建邑費宮文塔人服其勤子三
皆發達

黃 遴字祖榮庠生好義輕財捐修橋梁道路
諸善舉行人德之道光甲午歲辦公於城邑侯
沈嘉其勤額以功勳捍衛歿年九十二子龍光
文庠龍躍同知孫文中金聲文斗皆庠生

黃祖軻字榮捷好善樂施立義塾以課後學聞

永興縣志

卷之三十九

人物義行

五

人急傾囊以濟壽九十六一堂四代

歐宏運字文明家貲不甚豐慨捐重金倡建石
橋每爲村中墊掃尾糧貧不責償施長明燈於
古峯佛殿家人亦不知也善事陰行多類此
何賢恭字原敬事繼母克盡子道置義學督課
子姪維殷善醫不受謝貧者以藥貲助之

徐端士大學生孝義素著母瘋疾左右扶持三
年不懈募興本處義倉好行育嬰惜字施棺諸
善舉鄉里欽之

鄧顯理字景順以醫術濟人全活甚廣倡建義

學縣主宋序而贊之

廖如廣字熙直例貢生爲人慷慨鬻己田以修公祠每於北省逃難者周濟無算遠近德之至今族人會飲另尸祝焉

曾 崇庠生好行陰騭事捐金施茶倡興孔聖文昌兩會鄉人賢之

曹禮霑號樂生兄早世遺孤幼撫字成人好施予如凸頭堡救濟惜字及濂溪會諸善舉措貲以倡子學淵文庠

何雨祁號喜亭慷慨慕義置春秋祭會橋路渡

永興縣志

卷之三九

人物

義行 六

會並倡修義渡遇荒歲穀昂減價便糶不給復買米周恤困乏族有負債鬻妻者出貲以全其枕子四長榮林入泮次見龍食餼

朱宗閣字五鳳素明大義兄逝遺妻子無依撫與同爨壬戌夏遇荒家藏先乏出貲販米減價平糶鄉鄰便之

廖禹之事後母以孝聞母怒輒長跪求釋尤好善舉值歲大飢境有餓困不起者禹奉米全活無算族建公祠木料誤鋸而短禹出家藏木成之

李羨才兄弟同炊七十餘年翁合無爭撫從姪如子有堂姪孫貧不能娶代備聘禮延師課子姪入文庠者四食餼者一孫子周亦入庠

李仕楚字寶善庠生性忠直咸豐五年爲郴永團總有被誣議刑者十餘人極力救免並卻其謝居市販糶貴則折本以應長子桃次海臣暨孫猶龍相繼入泮

李彪號虎臣性磊落邑有公事罄力董成苗逆趙倡亂奉札勅辦軍需彙解獨先邑侯沈嘉許保用辭弗就尤重師道增義學族中子弟多賴

永興縣志

卷之三十九

人物 義行

十七

曲成子二長篤泮例貢有父風

許輔元字體仁廩生性孝友多隱德賑卹鄰里貧乏子達亨能承父志尤好排解隆師重道課子乃盛寓嚴於寬應試必親送中乙亥科南闈舉人孫七次三同年入庠

李楚卿同知銜雅重斯文捐租課子姪善承先志遇凡先人所建橋亭無不重爲修葺值年荒穀貴抑價以售

何守書字酉齋縣丞好善樂施有同鄉某幼抱殘疾無依收養十餘年病故復出貲送歸安葬

其慷慨仗義類如此子七兩以州首入泮

李邦燾恩貢生維馥父也善醫術貧不能備藥餌者出已有以贈活人無算未嘗受謝壽踰八旬

曹仲祖監生好行善舉費金無吝施靜室菴田數十石今子孫蕃衍

曾傳秀字盛淙家甚窘精岐黃術遇貧而病者自購藥以授課子鳳嗜食廩餼

廖文璣監生生平好義族修譜牒籌款不足己貲補之邑侯王秀深籌餉募勦寨匪璣指困相

永興縣志

卷之三十九

人物 義行

十六

贈侯義之保軍功

曾傳拔監生性好義舉興立學會助應考費士林賴之建得祿書屋訓子弟子大釗入庠

蕭貴湘字召南性好急公凡義舉皆慷慨捐攸咸豐元年續修族譜其孫輔唐膺總理撰修狀元錦忠傳其祖風未墜

王忠室庠生善排解尤好義舉捐積社穀義倉倡孔聖祭會都人趨之子六入庠者四

王經彥監生爲人慷慨道光初承辦軍需邑令劉額以功勳捍衛今子孫雅有祖父風

李道植字希建增生品學深粹族房公貲皆手積毫不染指年逾七旬猶手不釋卷鄉里重之李伯彥字尊實庠生爲人急公仗義縣主戴沈兩賜匾額嘉之壽八旬五世同堂次子際昌恩貢三子仕楚游泮

李英傑爲人慷慨有姪女幼孤撫養備奩嫁之近有貧菴難贍割田以濟子振興入庠

郭勝邦性友愛待兄弟子姪不稍涉私同居十三世人以爲和氣所感

李篤孝字天佑生平多善舉族修譜牒自捐重

金以倡易簣時囑子孫弗取宿債

郭光陞照磨廳慷慨好施襄辦邑中文廟書院矢公矢慎邑侯陸聞而嘉之子連城附貢生

曹正榜字掄元例授州司馬素見重於族里凡邑有公務必捐貲成美邑侯戴贈好德尙義額曹遠積字容久監生性剛方族黨有爭競一經剖決胥服家素封施與勿吝子文敏庠生

曹通籍字文斐居近通衢凡貧難過求周濟者施予不少恠人有紛難得其言立解子四長季文庠次三武庠

鄧任鴻號鍾鳴監生捐金造修橋路賑卹貧寒
終身崇退讓不履訟庭

曹嘉琪庠生爲人務雍睦里有因財起爭者出
已賞解之

曹孔崙字司燧幼力學老猶手不釋卷與人言
惟以讀書爲善相勸勉鄉里義舉樂贊其成子
四兩人邑庠

曹經號綸齋庠生精醫理活人甚多弗受謝邑
修文廟贊襄盡力

李彥堂慷慨好施境有貧業香者歲凶年暮無

永興縣志

卷之三十九

人物義行

三

措堂餉之厚全活其家雨雪中遇過客困於水
援之至家解衣推食給貲以去有丐童病危待
斃堂爲延醫備藥愈之其子環柱善岐黃術雅
有父風活人無算不受謝與妻朱氏同壽九十
五世一堂人近百口孫維高游泮人以爲好義
之報

劉維禮同知其父明泮好行陰隲禮遵行之施
予無少吝里有貸金數十緡貧不能償謀鬻妻
禮聞焚其券且厚與焉

劉揚廷字寵齋監生治家勤儉雖富甲一鄉無

膏梁態惟以隆師重道樂善賑貧爲務凡佃耕田者益優恤之子萃華州同孫五無白丁曾元林立雅有祖風

馬 雋優廩生急公好義督建邑文廟興立賓興會出力捐貲無吝子二紹紋庠生紹組監生郭龍躍號碧池庠生性好善舉遇事敢言鄉里欽之

曹錫應性好善舉有募修橋路者捐貲無吝途遇凍餒推食解衣全活甚廣今子孫有入邑庠者

謝孝裔監生精醫活人甚多不受謝倡立祭會賓興會士民德之今子孫蕃衍

李聯芳庠生雅重斯文遇讀書人倍加禮好善舉捐施不吝終身崇退讓足不履訟庭子二長例貢次乃斌州同加級歿年七十八

侯忠鑑庠生精岐黃術與人方便貧不受謝居家尚樸素教子成名五世同堂卒年八十

馬純庠生急公仗義苗逆趙金龍之亂捐辦軍需堵禦有功憲賜功勳捍衛額繼辦常平倉賑恤鄉里貧乏施與不吝今子孫多顯達

周尙林字魯濱輕財好施有買客遺金一囊林拾之坐守以待客尋至持原金付之分酬不受卒年八十五

李杜文庠生好義舉有戚某逋其債貧不能償遂置不取堂姪幼孤無依撫之成立教子以義方次華由廩保訓導孫亦入泮卒年六十

廖景宗西庠生幼業儒識大義境內善舉多賴其成好施濟貧乏咸豐九年西匪竄境與村人同被執賊感其義不忍加害獨釋之子為藩入庠

永興縣志 卷之三十九 人物 義行 二十一

李廷國明人萬曆九年旱饑國出穀五百七十

石賑之貧民陳以完等三百餘家賴以全活縣

主王給賞帖至今猶存 補遺

戴賢容字裕川五品銜咸豐年兵荒頻仍容募

勇防堵輸粟賑恤士民賴之歷掌邑書院隆師

重道子三皆榮顯孫曾亦發達卒年七十五

李春城監生無善不為其最著者如捐建惜字

爐義倉會州縣試館都邑社穀諸義舉並置田

十六畝以施棉絮輸租二百石以賑貧乏有孤

姪某表弟某貧弱無依為之置產完婚其餘刻

善書以訓世立藥會以療人排難解紛隆師重道靡不罄力爲之卒年八十子二長監生次庠生孫支方興未艾

李定拔監生輕財好義賑恤貧乏費金無吝遇文人倍加禮鄉里爭競經其勸導立解子五次遊泮

李安亨存心長厚經理戶事建祠興學得力居多倡立九祠懲盜會捐修地境菴院晚年掃除路旁瓦石以利行人遠近德之卒年九十

蕭輔唐樸誠簡默精岐黃術活人不少貧不受

永興縣志

卷之三十九

人物

義行

三

錢鄉里德之狀元蕭錦忠贈以名醫傳男遠馨增生

李華南好義樂施捐金百餘倡建石橋者三行人便之族建宗祠費金無算里有貧欲嫁妻喪不能葬者並樂爲伙助子五均承父志多顯達卒年七十七

劉翼代聰穎好學以數奇不遇授陰陽學司訓術賑孤恤貧閭族感德卒年九十餘子二次映龍倡建文明書院並南門義渡其慷慨樂施雅

有父風

補遺

曹賢銳從九幼孤貧力耕奉母中年家小康好
義舉族建宗祠修家乘捐貲以董其事歲歉穀
昂減以售于姓蕃衍多顯榮五世一堂卒年九
十

